

Inatsisartut suleriaasiat § 37 malillugu, naapertorlugu matumuuna Naalakkersuisunut apeqqutit imaattut saqqummiuppakka:

Naalakkersuisunut apeqqutit:

- 1. Atuartitsinermi platformit digitaliusut pisiarinissaannut suliffeqarfiit nunatsinneersut suut isumaqatigiissuteqarfigineqarsimappat?**
- 2. Atuartitsinermi platformit digitaliusut pisiarinissaannut suliffeqarfiit Danmarkimeersut suut isumaqatigiissuteqarfigineqarsimappat?**
- 3. Naalakkersuisut Atuartitsinermi platformit digitaliusut pillugit suliffeqarfinnik Danmarkimeer-sunik suleqateqarnerminni isumannaarsimanerpaat isumaqatigiissuteqannginnerminni suliffeqarfik ukiuni pingasunik atasimanersoq, kiisalu ukiuni pingasuni sinneqartooruteqarluni ingerlasimaner-soq?**
- 4. Atortussiat ataasiakkaat pisiarineri qanoq akeqarpat, kiisalu atuarfiit ukiumut qanoq aningaasar-tuuteqartassappat?**
- 5. Kalaallisut nutserneqarsimappata, nutserneri qanoq akeqarpat?**
- 6. Naalakkersuisut eqqarsaatersuutiginerpaat suliffeqarfinnik kalaalit nunaaneersunik Atuartitsi-nermi platformit digitaliusut eqqarsaatigalugit suleqarsinnaanissartik?**
- 7. Siornatigut Namminersornerullutik Oqartussat Adobe Connect Pro pisiarisimavaat, tamannalu tunngavigalugu apererusuppunga alimasissumik atuartitsinermi taanna qanoq atungaatiginersoq?**
- 8. Qeqqata kommunea kiisalu Kommune Kujalleq atuartitsinermi iPad projektimik ukiorpaalun-ngortumi ingerlataqarpoq, taamaattumillu apererusunnarpoq Naalakkersuisut eqqarsaatersuuteqan-nginnersut Kommuneqarfik Sermersooq kommunillu nutaat marluk assigusumik periarfissinne-qarnissaannik aqqutissiuinissamik?**
- 9. Naalakkersuisut nunaqarfinni isorliunerusunilu alimasissumit atuartitsineq, kiisalu atuartitsissutit digitaliusut siammarternissaat eqqarsaatigalugu qanoq pilersaaruteqarpat?**

10. Namminersornerullutik Oqartussat ilinniartitsisup pilersaarusiornermut kiisalu atuartut nalu-naarsuinnermut atortussiai Sammisat aamma sulisa pisiarisimavaat, taamaammallu apererusunnarpoq atuarfinnut qanoq siammarterneqarnissaannut Naalakkersuisut qanoq eqqarsaatersuuteqarnersut?

11. Atuarfinni pitsaassutsimut nalunaarsuisarneq Meeqqat atuarfianni inatsimmi ilaavoq, taamaam-mallu apererusunnarpoq atuarfinni tamani atorneqalernissaa Naalakersuisut qanoq eqqarsaater-suutigineraat?

(Inatsisartunut Ilaasortaq, Laura Táunâjik, Siumut)

Tunngavilersuut:

Apeqqutinut tunngavigaara aasaq manna 2017-imi nutaarsiassatigut sammineqarmat suliffeqqarfiutilik kalaaleq, Namminersorlutik Oqartussanit suliasanik tuniumaneqanngitsoq, suliffeqqarfik ukiuni pingasuni suliffeqqarfiusimanngimmat, kiisalu ukiuni pingasuni sinneqartooruteqarluni ingerlasimanngimmat. Isumaqaarpunga suliffeqqarfiit nunatsinneersut salliutittariaqartut, tassami taakku nunatsinni kaaviaartitagut annertusartarmatigit, aammalu periarfissinneqartariaqarsorigakku ilinniartitaanerup iluani digitalimik inerisaanermi sunneeqataanissaannik periarfissinneqartariaqartut. Sarfariisoq konferencit utertarlugu oqariartuutigisarpaat ilinniartitaanerup iluani digitalimik ineriartortitsinermik suliniutit annikippallaartut, tamaammalu eqqortutut oqaatigineqarsinnaavoq. Naalakkersuisut isumaqatigiissutaat qiviraanni alimasissumik atuartitsinerup inerisarneqarnissaa ilaavoq. Kisiannili maannamut tamanna timitalerneqarsimanngilaq. Tamanna nukigiuttariaqarpoq, alloriaqqittoqartariaqarpormi.